



Asfalteringsarbeidet blir rosa av oppsittarar

**Det er ikkje så ofte asfaltering av vegar skjer før enn varsla, men det har faktisk skjedd med fylkesvegen frå Kapteingsgarden til Haugland.**

**Opedal og Sønner opplyste for stutt tid sidan til uskedalen.no at nyasfalteringa ville skje i veke 24, men den vart nesten gjennomført allereie midt i førre veka. Og ingenting er vel meir gledelig, for vegen har vore i mistrøstig forfatning og ålvorleg nedslæte i mange år.**

Det som nå står att å asfaltera er ein kort strekning i begge ender. Oppsittarar på Døsslandsido gjev uttrykk for at det er gjort ein god og grundig jobb som også omfatta forsterkinga av vegen forbi Djupehølen og større slukekapasitet under vegen for bekken noko lenger oppe.

NCC Asfalt fortener ikkje minst gode ord for sin del av jobben - den med det svarte 'teppet'

Det er noko delte meiningar blant oppsittarane om kummen eller slusa som er støyppt ved Djupehølen. Nokon hevdar at det her er laga ei ny trafikkfelle, medan andre meiner at dette var den einaste måten å sikra den kryssande bekken på.

I alle fall er det no ålmen glede på Døsslandsido over det som er skjedd med vegen.

Tekst og foto: Ola Matti Mathisen



Ny trafikkfelle eller det einaste rette?